

## **Ugovor**

o nabavci kasa, kodera i ostalih dijelova za postojeći sistem ski data / modernizacija postojećeg sistema

### **I UGOVORNE STRANE**

#### **KJP „ZOI'84 OCS“ d.o.o. Sarajevo**

Sjedište: Alipašina bb, 71000 Sarajevo  
Koga zastupa direktor prof. Kenan Magoda  
Identifikacijski broj: 4200347000004  
(u daljem tekstu: Kupac)

i

#### **INTERTRAFFIC d.o.o.**

Sjedište: M.Stojanovića 4, 78 000 Banja Luka  
Koga zastupa Bojan Krupljanini  
Identifikacijski broj: 403709860005  
Porezni identifikacijski broj: 4403709860005  
Transakcijski broj banke, ime i sjedište banke: 567-241-11000526-13 Sberbank a.d. Banja Luka  
(u daljem tekstu: Prodavac)

### **II PREDMET UGOVORA**

#### **Član 1.**

Predmet ovog ugovora je nabavku kasa, kodera i ostalih dijelova za postojeći sistem ski data / modernizacija postojećeg sistema prema Tenderskoj dokumentaciji Broj: 3265/19 od 22.11.2019. godine i ponudi Prodavca, broj: 05-12-19/19 od 05.12.2019. godine, koji su u prilogu ovog Ugovora i čine njegov sastavni dio.

### **III CIJENA I NAČIN PLAĆANJA**

#### **Član 2.**

Ukupna vrijednost predmetnog ugovora iznosi 78.967,23 KM (slovima: sedamdesetosamhiljadadevetstotinažezdesetsedam i 23/100 konvertibilnih maraka) sa uključenim PDV-om, odnosno 67.493,36 KM (slovima: šezdesetsedamhiljadačetiristotinedevdesettri i 36/100 konvertibilnihmaraka) bez uključenog PDV-a. Ugovorena cijena je fiksna, sa uračunatim svim troškovima i podrazumijeva isporuku u OJ Ski centar Bjelašnica.

#### **Član 3.**

(1) Plaćanje će se vršiti putem akreditiva „Po viđenju“. Plaćanje korisniku akreditiva izvršava se nakon pregleda dokumenata za koje se utvrdi kako su ispostavljeni u skladu s uvjetima akreditiva, a najkasnije u roku od 5 radnih dana od datuma primitka dokumenata u banku nominiranu za plaćanje.

(2) Dokumenti koji se uvjetuju i koje korisnik akreditiva /prodavac mora prezentirati kako bi se naplatio po akreditivu. Uobičajena je prezentacija komercijalne fakture i otpremnog dokumenta koji dokazuje da je roba otpremljena kupcu.

(3) U akreditivu se mogu uvjetovati i ostali dokumenti koji su kupcu potrebni (polica osiguranja, razni certifikati – certifikat o porijeklu robe, certifikat o kvaliteti, certifikat o analizi i

slični), a sve u skladu sa zahtjevima banke. Uobičajen rok za dostavu dokumentacije je da to bude 21 dan od datuma otpremnog dokumenta.

(4) Troškove akreditiva snosi izabrani ponuđač/dobavljač u skladu sa tarifom banke.

#### **IV NAČIN I ROK REALIZACIJE UGOVORA**

##### **Član 4.**

(1) Prodavac se obavezuje da robu iz člana 1. ovog Ugovora isporuči u ambalaži i na način koji će robu štiti od promjene svojstva, koja je uobičajena za pakovanje i koja u potpunosti odgovara predmetnoj robi. Do momenta isporuke robe Kupcu, rizik njene slučajne propasti ili oštećenja snosi Prodavac.

(2) Prodavac je naročito dužan uz predmet nabavke dostaviti i sve neophodne dijelove, materijale i software koji čine integralni operativni dio svake komponente, a koji su neophodni za normalno funkcionisanje iste.

(3) Rok isporuke robe iz člana 1. ovog Ugovora je 30 radnih dana od dana stupanja Ugovora na snagu. Isporučka oprema instalacija, testiranje i puštanje u rad je na ski centru Bjelašnica. U cijenu su uračunati svi mogući troškovi isporuke, instalacije i testiranja.

(4) Danom isporuke smatraće se dan potpisivanja Zapisnika o primopredaji, od strane predstavnika obje ugovorne strane.

##### **Član 5.**

(1) Kvalitativno-kvantitativna primopredaja roba iz člana 1. ovog Ugovora izvršiće se pregledom od strane ovlaštenog lica Kupca prilikom preuzimanja iste, a prema otpremnim dokumentima Prodavca.

(2) Po izvršenom Kvalitativno-kvantitativnoj primopredaji ovlašteni predstavnici Kupca i Prodavca sačinice Zapisnik o primopredaji koji će potpisati i ovjeriti. Garantne listove za opremu, kao i uputstva za rukovanje na jednom od službenih jezika u BiH Prodavac je dužan zajedno sa Zapisnikom predati Kupcu.

(3) Sve troškove naknadnog slanja greškom isporučenih dijelova ili zamjene dijelova neodgovarajućeg kvaliteta snosi Prodavac.

##### **Član 6.**

(1) Svi dijelovi roba iz člana 1. ovog Ugovora moraju biti potpuno novi i nekorišteni, iz tekuće proizvodnje, bez ikakvih oštećenja ili mana i da u potpunosti ispunjavaju karakteristike prema tehničkoj dokumentaciji originalnog proizvođača.

(2) Prodavac obezbjeđuje garanciju za robe koja se nabavlja, u skladu sa garancijom proizvođača, koja iznosi 12 mjeseci.

(3) U slučaju da su utvrđeni nedostaci u kvalitetu izrade robe iz člana 1. ovog Ugovora, Prodavac mora iste otkloniti ili zamjeniti iste najkasnije u roku od 10 dana, a od dana dostavljanja reklamacije Prodavcu.

(4) Prodavac je dužan da dijelove zamjeni ili otkloni nedostatke u roku od 10 dana, a od dana pismenog obavještenja Kupca ukoliko se u toku upotrebe:

- a) pojavi bilo kakva proizvodna greška kao posljedica eventualno slabe izrade ili lošeg kvaliteta,
- b) ispostavi se da ne ispunjava u potpunosti karakteristike prema tehničkoj dokumentaciji proizvođača.

#### Član 7.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Kupca: Azur Prčić
  
- za Prodavca: Bojan Krupljanini.

### **V STUPANJE NA SNAGU I RJEŠAVANJE SPOROVA**

#### Član 8.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

(2) Prodavac je dužan obavijestiti Kupca ukoliko dođe do eventualnog kašnjenja u izvršenju ugovora najkasnije u roku od sedam dana od dana saznanja.

(3) Ukoliko Prodavac ne izvrši ugovorene obaveze u ugovorenom roku, dužan je na ime ugovorne kazne da plati Kupcu kaznu od 10 % od ukupno ugovorene cijene za svaki dan zakašnjenja.

(4) Kupac će obračun penala uputiti Prodavcu zajedno sa dokumentom „Izjava o prebijanju-kompensaciji“ u dva primjerka. Prodavac je dužan da jedan ovjeren primjerak „Izjava o prebijanju-kompensaciji“ vrati Kupcu. Po dobijanju ovjerenog primjerka Kupac će izvršiti plaćanje umanjene fakture za obračunate penale.

(5) Ukoliko se tokom izvršenja ugovora utvrdi da je postupak dodjele ugovora zasnovan na značajnim greškama, nepravilnostima ili prevari za koje je odgovoran Prodavac, Kupac može odbiti ili obustaviti plaćanja po ovom ugovoru, zahtijevati povrat plaćenog iznosa ili raskid ugovora u odnosu na obim i ozbiljnost grešaka, nepravilnosti ili prevara.

(6) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

#### Član 9.

Svaka od ugovornih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

#### Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opšte stvarne nadležnosti u Sarajevu.

### **VI OSTALE ODREDBE**

#### Član 11.

Prodavac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

#### Član 12.

Za sve što nije regulisano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.

Član 13.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 14.

Ovaj Ugovor je sačinjen u 6 (šest) istovjetna primjerka od kojih svaka ugovorna strana zadržava po 3 (tri) primjerka.

**Za Prodavca**

**Za Kupca**

\_\_\_\_\_  
Bojan Krupljanini, direktor

\_\_\_\_\_  
Prof Kenan Magoda, direktor

Datum: \_\_\_\_\_ 2019. godine

Datum: 13.01.2019. godine

Broj:

Broj: 051/20